



Sindikatsrednjeg i visokog obrazovanja, odgoja, nauke i kulture BiH - SSVOONK BiH

Trade Union of Secondary and Higher Education, Nurture, Science and Culture of BiH-TUSHENSC BiH

Obala Kulina bana 1, Sarajevo, tel/fax:033 21 35 88

e-mail:ssvoonkbih@bih.net.ba,ssvoonkbih.centrala@gmail.com, www.ssvoonkbih.ba

Broj: 01-291/26

Sarajevo, 29. april 2026 godine

Sindikatsmetalaca Federacije BiH

Predmet: Podrška

Tužan je ovo Prvi maj za Zenicu. Grad koji je decenijama disao uz zvuk Željezare danas stoji u tišini. Umjesto ponosa i sigurnosti, koje je rad donosio, osjećaju se neizvjesnost, strah i nepravda. Prvi maj, koji bi trebao biti simbol dostojanstva rada, ove godine podsjeća na sve ono što je izgubljeno, ali i na ono što se još uvijek mora braniti.

Nekada su dimnjaci zeničke Željezare bili simbol snage i ponosa, toliko da su se nalazili na grbu Bosne i Hercegovine, kao znak industrije koja je hranila hiljade porodica. Danas, ti isti dimnjaci stoje kao podsjetnik na odgovornost koju društvo mora imati prema svojim radnicima.

Zato upućujemo apel nadležnim institucijama, donosiocima odluka i svim relevantnim akterima, da hitno reaguju, pronađu održiva rješenja i spriječe daljnje produbljivanje ove krize. Radnici Željezare zaslužuju jasnu perspektivu, sigurnost i poštovanje.

Kao Sindikat obrazovanja, nauke i kulture ne možemo ostati nijemi. Izražavamo punu podršku svim radnicima koji su godinama ulagali svoj trud, znanje i život u izgradnji ovog kolektiva. Njihova borba za očuvanje radnih mjesta i dostojanstva rada nije samo njihova lična borba, već borba svih koji vjeruju u pravdu, solidarnost i odgovorno upravljanje društvenim resursima.

Zato danas stojimo uz radnike Željezare svjesni da bez industrije i proizvodnje nema stabilne ekonomije, a bez nje nema ni jakog obrazovnog sistema, niti ulaganja u kulturu. Ako izgubimo industriju, gubimo i temelje na kojima gradimo budućnost naše djece. Vrijeme je da stanemo zajedno – za rad, za dostojanstvo i za Zenicu koja ne odustaje.

PREDSJEDNICA



Edina Čomić